

Ariorica eeretacaaqueri  
iraji ivoroqui aparoni atiri  
tempa anta yeeretaquenta  
catsirincaquini icantaquempa.  
Aisati ocatsiitacaaqueri.  
Ariorica aparoni iraji eereta-  
caaqueri tempa icantaitatiyem-  
pani ishetero; eirorica  
ishetirotsi iraji aparoni  
atiri ari imantsiatanaque  
oshequi catsini tominco  
aisati cashiri tempa anta  
eeretacaaquerinta otsoteana-  
quero maaroni ivatsaqui.

Oshequi ivashiretempa ariorica omorontaquea  
oshequi iraji; ¿tempa queario? Teerica ocameetsa-  
tajeji otimatiye itsopaacantero. ¿Jaoca acanteari  
atsicantajearori avayetari eirorica aneavajirotsi  
aji? ¿Cameetsampa aneashitearo aji ocanteata? Te  
ocameetsateji. ¡Otimatiye acavintsaacoventero aji  
omorontavetaquearica aisati iquempeta shitsajani-  
qui! Otimatiye ayote aamaacoventearo ajipee eiro  
osanareantayetatsi.

Aisati, ¿paita anteri ariorica ora aji osana-  
reaque? Otimatiye ajate anta itiminta tsopairori  
ajitsi iravintavaqueroota. Ariorica amataquero  
antero oca, ora ajipee oquisotanaque oshequi  
osarentsi.

Yora aavinantatsiri yoametaqueri atiripee  
jaoca icanterori iraavintero oca omantsiarentsite  
ivatsanaaji. Irootaque oca yoametaqueriri:  
Ariorica ora avatsanaaji oquitioncataque aisati  
ocatsirincataquerica, ariorica aisati oshitovaque  
iraja ora sarroqui, otimatiye aye inchatonqui  
shipetaqui ocantaquempa opatiqui. Oshipetatanteari  
inchatonqui otimatiye atsicavaquero. Anta opatiqui  
atsicaqueronta aitaque atiritearori ocarayetinta  
ajipee, cameetsa acantaquero anta avatsanaajiqui  
aisati ajipeequi. Irootaque coaperotachari ama-  
tero oca maaroni quitaiteriqui oquempetaca mavani  
quitaiteri. Aitaque amaatajero apeajero ora sarro  
tsirecarori aji aisati avatsanaajiqui ari omaata-  
jea ocameetsataje capichaji. Timayetatsi aparopee  
yamayetiri aavinantatsi-  
ri maaquina irooperori  
ashi aquimetantearori ora  
sarro patacarori aji  
aisati aavinantearori  
avatsanaaji.

Aisati yora atiri  
yamoncoojati ivantequi  
nija catsirincajari itsi-  
pataaquero tivi, capichaji  
quitaiteni, aisati oshaa-  
viniji icanteani oshequi  
quitaiteriqui.

Pashiniqui quitaiteri  
iroosati oca anteashiparo  
otinaanaca capichaji qui-  
taiteni ojate oneeri  
otsipanampiyetari. Iroori  
oshequi oquimoshiretanaque  
cameetsa. Te aquemavajero  
ocatsitimotironi. Yora  
otsipanampitari te iriote  
paita otecatsitantanajari  
anteashiparo cameetsa.  
Impoiiji, yora aavintantatsiri  
icamantaqueri oshanincapee ora anteashiparo  
omantsiaveitani ora ajipee eeretacaaquero, aca  
eeretaqueca otsoteaquero maaroni ocatsitacaaquero  
ovatsaqui. Irootaque omantsiatantacari, te  
oshintsitajeji aisati ovashiretaca. Tecatsi  
iotacoyeeterone ora anteashiparo oshequi omantsi-  
ataque tempa ora ajipee oshequi oquitejayetaque.

Yora aavintantatsiri icantajeitaqueri tempa  
ora paji aisati pivatsanaaji tempa patsaque  
otimatiye otsopayempa. Ariorica otsopaanaquempa  
paji patsaintsiri ora pivatsanaaji eiro omantsia-  
tanajitsi. Te ocameetsateji piquemaatsicatacayaaro  
pivatsa.

Yora aavintantatsiri ineaquero Maria aisati  
pashinipee atiri saicatsiri anta onampiqui,  
timayetatsi pashinipee cantimotacariri irajipeequi  
ora sarro tsirecarori iraji aisati omantsiaren-  
tsite ivatsanaaji. Aparopeeni anta ovaritsaqui  
irajipee tsoncataca osanareayetaque, iro cantaincha  
ora iraji cameetsaveitaca jenioquiji. Yora  
aavintantatsiri icantaqueri atiripee anta ovari-  
tsaqui pajipee osanareayetaque shintsipaiji  
oquempetaca acaqueroquiniri pajipee. ¿Paita ocan-  
tantacari oca? Tempa anta ovaritsaqui ajipee te  
oticaacoventanajero amentaquiaji acaqueroquiniri  
aji. Ariorica otencareanaque avatsanaaji ajiqui  
yora shitsajaniqui ari imocanaquero shintsipaiji  
anta ovaritsaqui aji, aisati ari otimaque  
oquitejatacoyetanaque. Yora aavintantatsiri  
otimatiye itsopayeero oca\*ajipee ocantaveitea  
eiro aneavetarotsi osanaree ochaquitaca ajipee.

#### IV. AQUIVAPINITERO AJIPEE AISATI AVATSAQUIAJI

- a) Iquivanaajita irajiqui impoiiji aisati  
ivatsaquiaajiqui.

Yora aavintantatsiri yovametaqueri yora Peetero jeri Ariverito iquivanaajitea irajiqui aisati ivatsaquiaajiqui; otimatiye pantapinitero quemperi capichaji quitaiteni iroosati oshaaviniji. Iquivanaajitea cameetsa, irajiqui amitacotiro cameetsa. Tempa aanaja maaroni sateecayetainchari avayetari yora shitsajaniqui avaantequiniri yovavacaro. Yora shitsajaniqui eirorica ineirotsi avari, ora aji eiro omorontatsi. Ariorica aquivanaajitea otaaqueri maaroni shitsajaniqui; eiroquea ocantaveetanta ajipee cameetsa. Yora Peetero jeri Ariverito iquivanaajita irajiqui aisati ivatsaquiaajiqui capichaji quitaiteni, ariorica itsianeentaquea; impoiiji tsiteniriqui tequera imaye. Oshequi catsini iquivanaajita ariorica irovaquempa aisati.